

Hirt und Quälle (Psalm 23)

*Är isch min Hirt, ich chume nöd z'churz
Är laaht mi weide im saftige Gras - und füert mi as Wasser
Woni cha trinke - und woni cha usruueh*

*Det git Är mir d'Seel wieder zruugg
Dass i de Wäg wieder finde, hinder Ihm dri
Är wott mich ganz nöch bi Sich ha*

*Und wänni muess dur es Tobel dure gah, wo de Tod luuret im Dunkle
Ich fürcht' mi nöd vorem Böse - Du bisch ja bi mir*

Wie lang scho bini uf dem Wäg, wie oft scho hani mi verirrt?
Verwirrt frustriert und ohni Chraft, nümm glosed uf min Hirt
Und fühert de Wäg dur d'Finschternis, föhl mi gschlage und wiit unde
Dänn weiss ich, dass min Hirt mich nie im Stich laa wird

Hirt und Quälle, frisches Wasser

Füehrsch mi wiiter, det gisch mer d'Seel wieder zruugg

Dini Liebi, Dini Güeti

Tüend mi leite und begleite Tag uus Tag ii, s'ganzi Läbe wirsch bi mir sii

*Ich fürcht' mi nöd vorem Böse - Du bisch ja bi mir
Din Hirstock isch mir en Troscht
Du füersch mi sogar vor mine Find an en deckte Tisch*

*Und leisch mer d'Hand uf de Chopf
Und schänksch mir de Bächer randvolle ii
Ja, Liebi und Güeti tüend mi begleite - Tag uus und Tag ii - s'ganz Läbe
Und z'letscht chumi hei zu Dir, i Dis Gheimnis - für immer!*

Was immer au fählt, ich chumm nöd z'churz, Du fühersch mi an en deckte Tisch
Was immer au quält und d'Wält mich stresst dänn weiss i wo min Friede isch
Bin ich erschöpft und bruche Troscht, dänn heb i mi a Dim Hirstock
Du schänksch mir de Bächer randvoll ii, Dini Hand liit uf mim Chopf

Chorus

Über grüeni Wiese, dur bunti Wälder, über goldigi Fälder, füersch Du mich, min Hirt
Immer wiiter - zum erfrischende Wasser
Zum Gheimnis... wo Du sälber bisch

Über grüeni Wiese, dur bunti Wälder
Über goldigi Fälder fühersch Du mich min Hirt
Immer wiiter, zum erfrischende Wasser
Zu dä Quälle, zum Gheimnis - wo Du sälber bisch

Tag uus Tag ii lauf ich hinder Dir drii, Du wottschi mi nöch bi Dir ha
Und doch chan s'Läbe au truurig sii, dänn chan i Di nümm verstah
Vom Aafang bis i d'Ewigkeit bisch Du dä wo mi treit
Und z'letscht dänn chumm i hei zu Dir, is Gheimnis vo mim Hirt

Chorus

kursiver text aus d psalme Züritüütsch von Josua Boesch (Jordanverlag)

©Copyright 2010 Qno-music All rights reserved